

大方等大集經

第二

九十
位二

47676



元祿九年丙子二月日重脩

皇圖聖圖 帝階級昌

佛日增輝 懋輪常轉

山城州天安寺法金剛院置

大方等大集經卷第二

位
楊茂

北涼天竺三藏曇無讖於姑臧譯

陀羅尼自在王菩薩品第二之二

佛復告陀羅尼自在王菩薩善男子菩薩摩訶薩有八光明以是八明能壞諸闇淨菩薩行何等為八一者念光二者意光三者行光四者法光五者智光六者實光七者神通光八者無礙智光念光有八種一者不失過去善法二者作未來善三者聞法不忘四者思惟實義五者不為六塵所壞六者憶持如守門人遮止惡法為真善法守善法城門七者不為邪法之所誑惑八者能大增長純善之

法是名念光八種意光亦有八種一者義意
非字意二者智慧意非識意三者法意非人
意四者實意非虛意五者菩薩意非聲聞意
六者上意非下意七者佛意非退意八者憐
愍意非害意是名意光八種行光亦有八種
一者法行二者一切行三者衆生行四者衆
生心行五者十二因緣行六者廣說行七者
行行八者一切佛法行是名行光八種法光
亦有八種一者出世法光二者出世法光三者
無漏法光四者無爲法光五者解脫法光六
者心解脫法光七者畢竟解脫法光八者破
無明慧法光是名法光八種智光亦有八種

一者八正智光二者須陀洹智光三者斯陀
含智光四者阿那含智光五者阿羅漢智光
六者辟支佛智光七者菩薩智光八者正覺
智光是名智光八種實光亦有八種一者正
定行二者得須陀洹果三者斯陀含果四者
阿那含果五者阿羅漢果六者辟支佛果七
者菩薩八者佛菩提是名實光八種神通光
亦有八種一者眼光能見正色二者耳光能
聞正聲三者念光能念過去阿僧祇劫所有
衆生四者性光爲觀性淨衆生之心五者虛
空光以大神通光遍到十方無量世界六者
方便光具無漏智故七者功德莊嚴光爲利

益一切衆生故八者智慧莊嚴光爲壞一切
衆生疑心故是名神通光八種無礙智光亦
有八種一者智光二者意光三者慧光四者
佛光五者正見光六者淨衆生心光七者解
脫光八者畢竟光是名八無礙智光余時世
尊欲重宣此義而說偈言

修習於念心

不忘善惡業

樂聞讚誦經

修習不放逸

能調伏諸根

安住於寂靜

增長於善法

修習於念光

能遮止惡法

猶善守門者

能守護法城

不令四魔入

不隨逐音聲

思惟真實義

親近善知識

喜樂如法住

其意無邊上

永斷諸煩惱

邪法不能動
不說小乘心
不畏魔煩惱
具得大智光
知真實方便
衆生之所因
能知諸佛法
了知人天業
修習八正道
如實而知之
不論爲無爲
不着有爲相

惡世不生謗
常樂念上意
修習大慈悲
能壞諸疑心
修四無礙智
知無作受者
行出出世行
修習無上智
爲壞三世法
能利益人天
真實而知之
知結入出緣

誠心念菩提
爲衆破下意
不念害衆生
解了甚深義
樂觀十二緣
能修大光法
能到十方土
說三歸一乘
於有漏無漏
念斷有漏法
寂靜光無礙
知衆心性淨

若有大乘定

即知如是法

樂任無漏流

了四沙門果

知菩提道行

故修無礙智

破邪修實光

入眾無所畏

樂說真實義

為破生死法

眼耳淨無障

能見聞色聲

過去念不謬

亦了知他心

到十方無礙

知法如虛空

得無漏智慧

為調諸眾生

具功德智慧

為利諸眾生

於無量世中

求是二莊嚴

樂受持淨戒

樂護於佛法

修習真實光

為於如法任

我說無量光

為令眾生得

有信此經者

即得此諸光

爾時世尊復告陀羅尼自在王菩薩善男子

菩薩摩訶薩修習大悲有十六事何等十六

一者菩薩摩訶薩見諸衆生貪著我見以我見故增長諸見常爲生死之所繫縛是故菩薩爲此衆生修大悲心悲因緣故宣說法化爲壞衆生如是妄見二者見諸衆生心懷顛倒常見無常見常見於樂樂見於苦淨見不淨不淨見淨我見無我見我是故菩薩爲此衆生修習悲心悲因緣故宣說法要爲壞衆生如是四倒三者見諸衆生心懷憍慢實無有物而生物想實無有事而生事想以是因緣起七種慢以是慢故增長惡法是故菩薩於此衆生修習悲心悲因緣故宣說法要破壞衆生如是憍慢四者見諸衆

生五蓋所覆以覆蓋故心多生疑不解深義
是故菩薩於此衆生修習悲心悲因緣故宣
說法要爲壞衆生如是五蓋五者見諸衆生
沉六入海眼取色相耳取聲相鼻取香相舌
取味相身取觸相意取法相是名爲沉是故
菩薩於此衆生修習悲心悲因緣故宣說正
法爲拔衆生如是沉沒六者見諸衆生有七
種慢一者慢二者大慢三者慢慢四者我慢
五者增上慢六者下慢七者邪慢菩薩摩訶
薩於下慢者自言勝汝於慢慢者自言最勝
我色勝乃至識勝於增上慢者菩薩語言汝
實非聖不應便起聖人之想爲邪慢者宣說

正見是故菩薩於此衆生修習悲心悲因緣
故宣說正法爲斷衆生如是憍慢七者見諸
衆生離於聖道樂行世道惡道是故菩薩於
此衆生修習悲心悲因緣故宣說正法爲斷
衆生世道惡道八者見諸衆生造惡道行屬
無明愛妻息所繫不得自在是故菩薩於此
衆生修習悲心悲因緣故宣說正法爲斷衆
生如是繫縛出離惡道九者見諸衆生親近
惡友遠離善友其心甘樂造作惡業是故菩
薩於此衆生修習悲心悲因緣故宣說正法
爲斷衆生如是惡業遠離惡友親近善友十
者見諸衆生造作慳貪於無明愛心無厭足

為施智慧是故菩薩於此衆生修習悲心悲
因緣故宣說正法為斷衆生如是慳貪無明
及愛施與智慧十一者見諸衆生我見斷見
為施衆生十二因緣真智慧故菩薩於此而
生悲心悲因緣故宣說正法為斷衆生我見
斷見施與十二因緣智故十二者見諸衆生
行無明闇我見衆生見命見士夫見別異見
邪見着見見菩薩為施智光明故於此衆生而
生悲心悲因緣故宣說正法為斷衆生如是
所見十三者見諸衆生樂於生死於五取陰
而生親想是故菩薩於此衆生修習悲心悲
因緣故宣說正法為斷衆生如是三有十四

者見諸衆生爲魔所縛是故菩薩於此衆生
修習悲心悲因緣故宣說正法爲壞衆生如
是魔網十五者見諸衆生甘樂快樂而不能
知真實樂因是故菩薩於此衆生修習悲心
悲因緣故宣說正法示諸衆生真實樂因十
六者見諸衆生求涅槃門不能知處是故菩
薩於此衆生修習悲心悲因緣故宣說正法
爲此衆生開涅槃門善男子菩薩修悲悉因
如是十六因緣善男子一切衆生有三十二
不善之業菩薩見已修習善業爲壞衆生如
是惡業何等三十二一者有諸衆生無明睡
眠菩薩見已修習智慧爲悟衆生如是睡眠

二者見諸衆生下解下欲菩薩見已修習上
解上欲爲以大乘而教化之三者有諸衆生
樂爲非法菩薩見已修習正法爲令衆生於
諸法中得大自在四者有諸衆生修習邪命
菩薩見已修於正命爲壞衆生如是邪命五
者有諸衆生入於邪林菩薩見已修習正見
爲令衆生出邪林故六者有諸衆生樂爲放
逸菩薩見已修不放逸爲令衆生離放逸故
七者有諸衆生樂爲麁穢菩薩見已修如法
住爲壞衆生如是麁穢八者有諸衆生慳貪
惓惓菩薩見已修一切施爲壞衆生慳貪心
故九者有諸衆生毀犯禁戒菩薩見已修持

淨戒為破衆生毀禁心故十者有諸衆生心
常瞋恨菩薩見已修慈悲忍為壞衆生如是
瞋恨十一者有諸衆生懶惰懈怠菩薩見已修
勤精進為壞衆生如是懈怠十二者有諸衆生
其心狂亂菩薩見已修習定心為壞衆生如是狂
亂十三者有諸衆生邪智覆心菩薩見已修習
正智為壞衆生如是邪智十四者有諸衆生說
義顛倒菩薩見已思惟正義為壞衆生如是
顛倒十五者有諸衆生樂造世行菩薩見已
修善方便為壞衆生樂世行故十六者有諸
衆生繫屬煩惱菩薩見已先自除斷為壞衆
生煩惱繫縛十七者有諸衆生我見所縛菩

薩見已自除我見爲斷衆生如是我見十八
者有諸衆生諸根不調菩薩見已自調諸根
爲調衆生如是不調十九者有諸衆生說言
無作無有受者菩薩見已宣說有作及有受
者爲壞衆生如是邪說二十者有諸衆生不
知恩義菩薩見已說知恩法爲壞衆生如是
不知恩義二十一者有諸衆生未得謂得菩
薩見已修習正法爲壞如是增上慢故二十
二者有諸衆生惡口麁穢菩薩見已修善口
語爲壞衆生如是惡口二十三有諸衆生
貪無厭足菩薩見已修習知足爲壞衆生不
知足故二十四者有諸衆生不能恭敬父母

師長菩薩見已修不放逸爲令衆生供養恭
敬父母師長二十五者有諸衆生貧窮困苦
菩薩見已修習七財爲壞衆生如是貧窮二
十六者有諸衆生常爲四大毒蛇所病菩薩
見已修身念處爲令衆生遠離如是四大毒
病二十七者有諸衆生行無明闇菩薩見已
修習智慧爲令衆生然慧燈故二十八者有
諸衆生樂三有獄菩薩見已修出離道爲示
衆生知出離故二十九者有諸衆生常行左
道菩薩見已修習右道爲令衆生捨左道故
三十者有諸衆生貪著身命菩薩見已於自
身命修不貪著爲令衆生捨愛著故三十一

者有諸衆生不能恭敬供養三寶菩薩見已
修習信心爲令衆生信三寶故三十二者有
諸衆生實非世尊自謂世尊菩薩見已修習
六念爲令彼等知真實法故善男子是名衆
生三十二業菩薩見已修治自業成就具足
一切善法壞諸惡業勸諸衆生令行善業善
男子菩薩摩訶薩有無量業何以故衆生煩
惱有無量門爲閑衆生煩惱門故菩薩修習
無量善業善男子如恒河沙等世界衆生悉
往聲聞辟支佛乘欲比菩薩初發心業百分
千分不可爲喻何以故二乘之人自爲解脫
觀於煩惱菩薩入亦常爲衆生得解脫故觀

諸煩惱善男子菩薩摩訶薩所作諸業於諸
凡夫二乘業中最為殊勝何以故衆生之業
性是顛倒二乘之業有邊際故菩薩之業無
邊無量是故菩薩勝於一切聲聞緣覺尔時
陀羅尼自在王菩薩聞是法已心生歡喜踊
躍無量白佛言世尊甚奇甚特快說如是不
可思議如來於此已說菩薩瓔珞莊嚴菩薩
光明菩薩大悲菩薩善業唯願宣說云何如
來觀諸衆生起於大悲云何名悲悲有何行
有何相貌何因緣起云何名佛業佛業有何
行有何相貌有何因緣起善哉世尊一切知
見唯願廣說如來之業佛言善哉善哉善男

子汝今諦聽善思念之吾當爲汝分別解說
善男子一切如來所有大悲不出不行何以
故常不變故無量劫中修習得故是大悲
不行不轉不修不捨亦能爲於一切衆生善
男子一切諸佛所有大悲無量無邊其心平
等從久遠來無量舌力不能宣說善男子如
來卅尊未嘗遠離如是大悲無上菩提及與
大悲如是二法等無差別如來所得無上菩
提無根無住根名我見住名四顛倒如來卅
尊知根知住是故菩提無根無住一切衆生
皆悉無有無根無住欲施衆生無根無住起
大悲心如來於此欲令知故演說正法善男

子夫菩提者清淨寂靜云何爲淨云何寂靜
淨名爲內寂靜名外內名眼空空名無我無
有我所以故性是一故乃至意亦如是
以故性是一故知眼空已不着於色不着色
心是名寂靜乃至意法亦復如是
一切衆生不知菩提清淨寂靜如來於此而起
大悲演說正法爲令知故善男子
一切衆生心性本淨性本淨者煩惱諸結不能染着猶如虛空
不可沾汙心性空性等無有二衆生不知心
性淨故爲欲煩惱之所繫縛如來於此而起
大悲演說正法欲令知故善男子夫菩提者
不取不捨云何不取如來不見一切諸法此

岸彼岸何以故一切諸法離此彼故如來世
尊如實知之是名不取云何不捨一切衆生
不知法界如來教令了了知故是名不捨如
來於此而起大悲演說正法爲令衆生知是
二法善男子夫菩提者無想無緣云何無想
不見眼識乃至意識不見色相乃至法相於
是法中不知不見故無取着是名無緣無想
無緣是名聖行云何聖行所謂不行三界之
行善男子如是不行名爲聖行一切聖人不
行於行衆生不行如是聖行如來於此而起
大悲演說正法欲令知故善男子夫菩提者
非是三世非三世者名爲三等過去意未來

識現在貪是名三分以能了了知三分故意
識及貪無有住處以是義故不念過去不求
未來不愛現在若見三世悉平等者是名正
見如來爲令一切衆生得如是等平等正見
而起大悲演說正法善男子夫菩提者無身
無爲非眼識界乃至非意識界是名無身不
生不滅不盡不住無有三相是爲無爲善男
子一切法性是名無性若無性者則無有二是
故菩提無身無爲一切衆生不知菩提無身無
爲如來爲令了了知故而起大悲演說正法
善男子夫菩提者無有分別無有句義去何
分別云何句義無所住者名無分別字不攝

故名無句義非有二故名無分別不入法界
名無句義無動搖故名無分別不變易故名
無句義不可說故名無句義空故名無分別
無覺觀故名無分別無相故名無句義不發
故名無分別無願故名無句義知衆生界同
於虛空名無分別無衆生界名無句義不生
故名無分別無宅故名無句義不滅故名無
分別無爲故名無句義不行故名無分別平
等故名無句義知平等故名無分別寂靜故
名無句義衆生不知如是等義如來爲令了
了知故而起大悲演說正法善男子夫菩提
者不可以身得不可以心得何以故身心如

幻若能了知身心真實是名菩提爲流布故名爲菩提而其性相實不可說善男子夫菩提者不可說身不可說心不可說法不可說非法不可說有不可說無不可說實不可說空何以故性不可說故菩提者無有任處不可宣說猶如虛空爲真實知一切諸法不可宣說字中無法法中無字爲流布故故可宣說一切凡夫不知真實是故如來於此衆生而起大悲演說正法爲今知故善男子夫菩提者無取無緣云何無取云何無緣知眼真實名爲無取知眼無境名爲無緣乃至了知意之真實名爲無取知意無境名爲無緣如

來世尊以如是義知於菩提無取着故名爲
無眼無屋宅故名爲無緣眼識不住於彼色
中名無屋宅乃至意識亦復如是一切衆生
心無住處如來世尊如實而知心無住處無
住處者有四種色受想行於是四法心無所
住是名心無住處是故名爲一切諸法悉無
住處如來世尊如實知之一切凡夫不能知
故如來於此而起大悲演說正法善男子夫
菩提者名之爲空而菩提中無有空相是故
名空一切法空菩提亦無如來世尊真實能
知如是之空是故如來名爲知空諸佛名覺
一切諸法而不覺知空中之空亦能了知無

上菩提空及菩提即是一如空與菩提是一
非二離空菩提別有法者可得說二以無二
故名之為空無名字故名之為空無相貌故
名之為空無威儀故名之為空無修行故名
之為空無言說故名之為空善男子第一義
者謂無諸法云何說空善男子譬如虛空無
言無說無言無說故名虛空無言說中無
有言說是名為空一切諸法亦復如是無名
字法說為名字如是名字亦無任處若名無
任處名下之法亦復如是如來真實知如是
法不生不滅以真知故名得解脫本無繫縛
云何說言名得解脫是故如來無縛無解如

是等法一切凡夫不能知見如來於此而起
大悲演說正法爲今知故善男子夫菩提者
同於虛空虛空之性不平不下菩提亦尔若
法無性不可說言有平有下如來卽尊知一
切法無平無下乃至微塵不作平下若法有
性卽如實智如實智者知一切法本無今有
已有還無出時滅時無所繫屬從緣而出從
緣而滅以是義故名之爲道斷是道故名爲
菩提凡夫衆生不知如是真實道故如來於
此而起大悲宣說正法爲今知故善男子夫
菩提者名真實句真實句者卽是菩提色亦
如是如是二句等無差別受想行識地水火

風眼界色界眼識界乃至意識界
亦復如是是名法流布如來真實覺知如是
陰入界法無有顛倒不顛倒者知過去法不
生不滅未來之法不生不滅現在之法亦不
生不滅如是知已名不顛倒名真實句句真實
句者如一法一切法亦如是如一切法一法
亦如是是真實句句凡夫不知如來於此而起
大悲演說正法爲令知故善男子夫菩提者
非內非外云何爲內云何爲外非內者無所
造作非外者無所覺知內者謂住外者謂相
菩提之體非住非相是故名爲非內非外又
非內者非身口意業非外者非三業緣非內

者無相解脫門非外者空解脫門如是等義
凡夫不知如來於此而起大悲演說正法爲
令知故善男子夫善提者無漏無取云何無
漏云何無取無漏者遠離四流四流者欲流
有流無明流見流無取者遠離四取四取者
欲取有取見取戒取而諸衆生無明所覆行
於四取以渴愛故作我我所如來了知我取
根本是故我淨我淨故能淨衆生我淨者則
不覺知一切諸法亦不思惟一切非法不起
無明不起無明因緣故不起十二因緣有十
二因緣有不起故則不生不生故入決定聚
入決定聚者名爲了義了義者名第一義第

一義者名無衆生無衆生義者名不可說義
不可說義者即十二因緣義十二因緣義者
即是法義法義者即是如來以是義故我經
中說若有得見十二因緣則爲見法見法者
爲見如來見如來者即無所見所見是邪夫
邪見者謂想數法如來無想亦無想數以是
義故見如來者爲無所見若見如來無相無
作無知無覺是名真實見於如來如來亦亦
覺知一切諸法平等如是法界無漏無取一
切凡夫不能覺知如來於此而起大悲演說正
法爲今知故善男子夫菩提者清淨寂靜光
明無諍云何爲淨云何寂靜云何光明云何

無諍不雜煩惱名之為淨空解脫門名之寂
靜無相無願名為光明無生無滅名為無諍
又無生者名之為淨無滅者名為寂靜無取者
名光明不出者名無諍性名為淨無諸煩惱
名為寂靜光明無諍法界名淨真實之性名
曰寂靜光明無諍虛空之性名之曰淨無分
別法界名曰寂靜光明無諍內外清淨名之
為淨於內外法不取不著名為寂靜光明無
諍真知五陰名之為淨真實知界名為寂靜
光明遠離諸入名為無諍見過去盡名之為
淨見未來不生名為寂靜見現在法住於法
界無有動轉名光明無諍清淨寂靜光明無

諍如是四法等入一界一法一句如是三法
即是涅槃遠煩惱故名之爲淨畢竟淨故名
曰寂靜無闇冥故名曰光明不可說故名爲
無諍以是故言釋迦如來默無所說善男子
夫菩提者即是虛空虛空者名之爲法如法
衆生亦亦如衆生福田亦亦如福田涅槃亦
亦以是義故一切諸法同於涅槃如來能覺
如是法界是故名佛修習具足清淨寂靜光
明無諍如是四句名之爲佛如來能知善方
便故初得菩提默然而住無所宣說待梵王
請亦時尸棄梵王與六萬八千諸梵天人來
至我所頭面作禮合掌而言唯願如來爲諸

衆生轉正法輪而說偈曰

如來法離淨寂靜

大光無礙無有諍

無字無聲亦無說

真實覺知如法界

佛爲衆生無量劫

苦行受持世間戒

爲悟無明睡衆生

久行放逸迷實義

又此會中無量衆

於無量佛積善根

能解甚深真實義

唯願轉於無上輪

此衆已調一切魔

欲令開闡甘露門

如來号爲真導師

示闍衆生無上道

如來雖有大慈悲

憐愍衆生如一子

我今勸請法應尔

願轉無上正法輪

如往三佛轉法輪

唯願如來亦復尔

畢竟導師無退轉

示暗衆生一直道

如雨潤長諸草木

令諸衆生除熱渴

佛施法雨於衆生

為得無上無量果

如來初生發誓言

我當救彼苦衆生

衆生渴仰甘露味

願大施主施法雨

尔時世尊既受請已生波羅奈鹿野林中仙

人任處轉正法輪如是法輪諸天魔梵及餘

沙門婆羅門等所不能轉尔時世尊說四諦

時憍陳如比丘得法眼淨其聲遍聞三千大

千世界尔時世尊說優陀那

甚深之義不可說

第一實義無聲字

憍陳比丘於諸法

獲得真實之知見

即是我往無量世

所得菩提今已得

如來轉是正法輪時無量衆生悉得調伏示
現如是大悲神通衆生見已阿僧祇人發阿
耨多羅三藐三菩提心善男子如來如是十
六大悲悉爲衆生而修起之如來以是悲因
緣故爲一衆生於恒河沙劫大地獄中受
諸苦惱心不悔退而其悲心亦無損減以是
義故如來大悲不可思議善男子聲聞人悲
猶如畫皮菩薩大悲猶如破肉如來大悲破
骨徹髓聲聞之悲讚佛所知菩薩大悲勸他
令行如來大悲授人阿耨多羅三藐三菩提
記聲聞悲心爲慈因緣菩薩大悲爲調衆生

如來大悲爲畢竟度聲聞悲心因鹿苦生喜
薩大悲因離苦生如來大悲因斷一切因緣
而生善男子如來修習如是大悲若爲一人
任經一劫百劫千劫萬劫至無量劫終不畢
竟入於涅槃善男子如來大悲成就如是無
量功德善男子乃往過去無量無邊阿僧祇
劫時世有佛号栴檀窟界名大香劫名上香
尔時世尊於三百三十二萬劫中常以正法
教諸聲聞時佛身上一一毛孔所出香氣遍
滿三千大千世界尔時此界無有臭穢名所
有草木山河之屬悉栴檀香衆生身身香亦復
如是一切無有身口意惡諸佛弟子聞此香

已即得四禪介時乃有一萬諸佛次第興出
皆同一号号栴檀窟是故彼劫名曰上香介
時如來作佛事已欲入涅槃觀諸衆生誰未
調者我當調之介時如來以淨天眼見有一
人在非有想非無想處已於先佛種下上善
根定當因佛而得度脫非因聲聞得解脫也
壽過八萬四千劫已乃當下生來受五欲當
得聞於大乘經典發阿耨多羅三藐三菩提
心安住不退介時世尊以大悲故起大方便
告諸比丘我涅槃時到作是言已即便入於
不悔三昧示諸衆生令知涅槃既知如來入
涅槃已令諸大衆廣設供養正法住世滿足

六十八萬四千歲當尔之時佛諸弟子乃至
無有一人於正法所作邪法想尔時世尊以
定力故八萬四千劫隱密此身不令衆見過
是劫已彼人即下生於人中大長者家經八
十年彼佛即從三昧而起詣長者家其家大
小悉無見者唯是童子獨得見之尔時世尊
爲令彼人於五欲中心生厭離而爲說法彼
人聞已即得不退阿耨多羅三藐三菩提心
如來知已即爲授記善男子汝於來世過七
萬二千阿僧祇百千劫當得成於阿耨多羅
三藐三菩提号曰寶上如是音聲餘無聞者
唯有一萬二千諸天同得聞之聞已悉發阿

釋多羅三藐三菩提心俱作是言願彼寶上成佛之時我等當於是佛法中諮受正法而爲弟子尔時如來知是事已復與授記寶上如來成佛之時汝等當作受法弟子彼佛亦當授汝阿耨多羅三藐三菩提記時栴檀窟佛授彼記已尔乃畢竟入於涅槃一切諸天

大設供養善男子如來具足如是大悲非讚聲聞緣覺所知善男子尔時彼佛不斷佛種若有衆生供養三寶亦復如是佛說如是大悲功德時此會衆中有三恒沙等衆生發阿耨多羅三藐三菩提心半會大衆得成於忍半中之半得具如是十六大悲其餘半半得

佛法忍尔時一切諸天並人間法歡喜同聲讚歎善哉善哉甚奇甚特快說如是大悲法門

大方等大集經卷第二

不出字音

台位

猪飼順良寄附

